

(पञ्चमोऽध्यायः ॥ वर्गाः 1-38)

(19)

68

(म.8, अनु.7)

ऋषिः प्रियमेधः आङ्गिरसः

छन्दः अनुष्टुप् 1,4,7,10, गायत्री 2-3,5-6,8-9,11-19

देवता इन्द्रः 1-13, ऋक्षाश्वमेधौ 14-19

आ त्वा रथं यथोतये सुम्नाय वर्तयामसि	तुविकूर्मिमृतीषहमिन्द्र शविष्ठ सत्पते	॥ 1 ॥
तुविशुष्म तुविक्रतो शचीवो विश्वया मते	आ पंप्राथ महित्वना	॥ 2 ॥
यस्य ते महिना महः परिं ज्मायन्तमीयतुः	हस्ता वज्रं हिरण्ययम्	॥ 3 ॥
विश्वानरस्य वस्पतिमनानतस्य शवसः	एवैश्च चर्षणीनामूती हुवे रथानाम्	॥ 4 ॥
अभिष्टये सदावृधं स्वर्मीळहेषु यं नरः	नाना हवन्त ऊतये	॥ 5 ॥
पुरोमात्रमृचीषमिन्द्रमुग्रं सुरार्धसम्	ईशानं चिद्वसूनाम्	॥ 6 ॥
तंतमिद्रार्धसे मह इन्द्रं चोदामि पीतये	यः पूर्वामनुष्टुतिमीशं कृष्टीनां नृतुः	॥ 7 ॥
न यस्य ते शवसान सुख्यमानंशु मर्त्यः	नकिः शवांसि ते नशत्	॥ 8 ॥
त्वोतासुस्त्वा युजाप्सु सूर्ये महद्धनम्	जयेम पृत्सु वज्रिवः	॥ 9 ॥
तं त्वा यज्ञेभिरीमहे तं गीर्भिर्गिर्वणस्तम	इन्द्र यथा चिदाविथु वाजेषु पुरुमाय्यम्	॥ 10 ॥
यस्य ते स्वादु सुख्यं स्वाद्वी प्रणीतिरद्विवः	युज्ञो वितन्तुसाय्यः	॥ 11 ॥
उरु णस्तन्वेऽं तन उरु क्षयाय नस्कृधि	उरु णो यन्धि जीवसे	॥ 12 ॥
उरुं नृभ्य उरुं गव उरुं रथाय पन्थाम्	देववीतिं मनामहे	॥ 13 ॥
उप मा षड् द्वाद्वा नरः सोमस्य हर्ष्या	तिष्ठन्ति स्वादुरातयः	॥ 14 ॥
ऋज्राविन्द्रोत आ ददे हरी ऋक्षस्य सूनवि	आश्वमेधस्य रोहिता	॥ 15 ॥
सुरथाँ आतिथिग्वे स्वभीशूराक्षे	आश्वमेधे सुपेशसः	॥ 16 ॥
षळश्वाँ आतिथिग्व इन्द्रोते वधूमतः	सचा पूतक्रतौ सनम्	॥ 17 ॥
ऐषु चेतद्वृषण्वत्यन्तऋज्रेष्वरुषी	स्वभीशुः कशावती	॥ 18 ॥
न युष्मे वाजबन्धवो निनित्सुश्चन मर्त्यः	अवद्यमधि दीधरत्	॥ 19 ॥

(18)

69

(म.8, अनु.7)

ऋषिः प्रियमेधः आङ्गिरसः

छन्दः अनुष्टुप् 1,3,7-10,12-15, उष्णिक् 2, गायत्री 4-6,

पङ्क्तिः 11,16, बृहती 17-18

देवता इन्द्रः 1-10,13-18, विश्वे देववरुणाः 11, वरुणः 12

प्रप्र वस्त्रिष्टुभमिषं मन्दद्वीरायेन्दवे । धिया वो मेधसातये पुरंध्या विवासति	॥ 1 ॥
नुदं व् ओदतीनां नुदं योयुवतीनाम् । पतिं वो अघ्नानां धेनूनामिषुध्यसि	॥ 2 ॥
ता अस्य सूददोहसः सोमं श्रीणन्ति पृश्रयः । जन्मन्देवानां विशस्त्रिष्वा रोचने दिवः	॥ 3 ॥
अभि प्र गोपतिं गिरेन्द्रमर्च यथा विदे । सूनं सत्यस्य सत्पतिम्	॥ 4 ॥
आ हरयः ससृजिरेऽरुषीरधि बर्हिषि । यत्राभि संनवामहे	॥ 5 ॥

इन्द्राय गाव आशिरं दुदुहे वज्रिणे मधु । यत्सीमुपहरे विदत् ॥ 6 ॥
 उद्यद्ब्रह्मस्य विष्टपं गृहमिन्द्रश्च गन्वहि । मध्वः पीत्वा संचेवहि त्रिः सप्त सख्युः पदे ॥ 7 ॥
 अर्चत प्रार्चत प्रियमेधासो अर्चत । अर्चन्तु पुत्रका उत पुरं न धृष्वर्चत ॥ 8 ॥
 अव स्वराति गर्गरो गोधा परिं सनिष्वणत् । पिङ्गा परिं चनिष्कदुदिन्द्राय ब्रह्मोद्यतम् ॥ 9 ॥
 आ यत्पतन्त्येन्यः सुदुद्या अनपस्फुरः । अपस्फुरं गृभायत् सोममिन्द्राय पातवे ॥ 10 ॥
 अपादिन्द्रो अपादग्निर्विश्वे देवा अमत्सत । वरुण इदिह क्षयत्तमापो अभ्यनूषत वत्सं संशिश्वरीरिव ॥ 11 ॥
 सुदेवो असि वरुण यस्य ते सप्त सिन्धवः । अनुक्षरन्ति काकुदं सूर्म्यं सुषिरामिव ॥ 12 ॥
 यो व्यतोरफाणयत्सुयुक्तां उपं द्राशुषे । तक्रो नेता तदिद्वपुरुपुमा यो अमुच्यत ॥ 13 ॥
 अतीदुं शक्र ओहत इन्द्रो विश्वा अति द्विषः । भिनत्कनीनं ओदुनं पच्यमानं परो गिरा ॥ 14 ॥
 अर्भको न कुमारकोऽधि तिष्ठन्नवं रथम् । स पक्षन्महिषं मृगं पित्रे मात्रे विभुक्रतुम् ॥ 15 ॥
 आ तू सुशिप्र दंपते रथं तिष्ठा हिरण्ययम् । अध द्युक्षं संचेवहि सहस्रपादमरुषं स्वस्तिगामनेहसम् ॥ 16 ॥
 तं घैमित्था नमस्विन् उपं स्वराजमासते । अर्थं चिदस्य सुधितं यदेतव आवर्तयन्ति दावने ॥ 17 ॥
 अनु प्रतस्यौकसः प्रियमेधास एषाम् । पूर्वामनु प्रयतिं वृक्तर्बर्हिषो हितप्रयस आशत ॥ 18 ॥

(15)

70

(म.8, अनु.8)

ऋषिः पुरुहन्मा आङ्गिरसः

छन्दः बृहती 1,3,5,7-11, सतोबृहती 2,4,6, शंकुमती 12,

उष्णिक् 13, अनुष्टुप् 14 पुरउष्णिक् 15 देवता इन्द्रः

यो राजा चर्षणीनां याता रथेभिरध्रिगुः । विश्वासां तरुता पृतनानां ज्येष्ठो यो वृत्रहा गृणे ॥ 1 ॥
 इन्द्रं तं शुम्भ पुरुहन्मन्नवंसे यस्य द्विता विधर्तरि । हस्ताय वज्रः प्रति धायि दर्शतो महो दिवे न सूर्यः ॥ 2 ॥
 नकिष्टं कर्मणा नशद्यश्चकार सदावृधम् । इन्द्रं न यज्ञैर्विश्वगूर्तमृभ्वंसमधृष्टं धृष्ववौजसम् ॥ 3 ॥
 अषाळहमुग्रं पृतनासु सासहिं यस्मिन्महीरुरुज्रयः । ॥ ४ ॥
 सं धेनवो जायमाने अनोनवुर्द्यावः क्षामो अनोनवुः ॥ 4 ॥
 यद्द्याव इन्द्र ते शतं शतं भूमिरुत स्युः । न त्वा वज्रिन्सहस्रं सूर्या अनु न जातमष्ट रोदसी ॥ 5 ॥
 आ पंप्राथ महिना वृष्या वृषन्विश्वा शविष्ठ शर्वसा । ॥ ६ ॥
 अस्मां अव मघवन्गोमति व्रजे वज्रिञ्चित्राभिरूतिभिः ॥ 6 ॥
 न सीमदैव आपदिषं दीर्घायो मर्त्यः । एतंवा चिद्य एतशा युयोजते हरी इन्द्रो युयोजते ॥ 7 ॥
 तं वो महो महाय्यमिन्द्रं दानाय सुक्षणाम् । यो गाधेषु य आरणेषु हव्यो वाजेष्वस्ति हव्यः ॥ 8 ॥
 उदू षु णो वसो महे मृशस्व शूर राधसे । उदू षु म्ह्वै मघवन्मघत्तय उदिन्द्र श्रवसे महे ॥ 9 ॥
 त्वं न इन्द्र ऋतयुस्त्वानिदो नि तृम्पसि । मध्ये वसिष्व तुविनृम्णोर्वोनि दासं शिश्रथो हथैः ॥ 10 ॥
 अन्यव्रतमानुषमयज्वानमदैवयुम् । अवः स्वः सखा दुधुवीत पर्वतः सुघ्नाय दस्युं पर्वतः ॥ 11 ॥
 त्वं न इन्द्रासां हस्तै शविष्ठ दावने । धानानां न सं गृभायास्मयुद्धिः सं गृभायास्मयुः ॥ 12 ॥
 सखायः क्रतुमिच्छत कथा राधाम शरस्य । उपस्तुति भोजः सूरियो अहयः ॥ 13 ॥
 भूरिभिः समह ऋषिभिर्बर्हिष्मद्भिः स्तविष्यसे । यदित्यमेकमेकमिच्छरं वत्सान्पराददः ॥ 14 ॥
 कर्णगृह्णा मघवा शौरदेव्यो वत्सं नस्त्रिभ्य आनयत् । अजां सूरिनं धातवे ॥ 15 ॥

ऋषिः सुदीतिपुरुमीळ्हा, आङ्गिरसौ, तयोः वा अन्यतरः
सतोबृहती 11,13,15

छन्दः गायत्री 1-9 बृहती 10,12,14
देवता अग्निः

त्वं नो अग्ने महोभिः प्राहि विश्वस्या अरातेः	उत द्विषो मर्त्यस्य	॥ 1 ॥
नहि मन्युः पौरुषेय ईशे हि वः प्रियजात	त्वमिदसि क्षपावान्	॥ 2 ॥
स नो विश्वेभिर्देवेभिरूजो नपाद्भद्रशोचे	रयिं देहि विश्ववारम्	॥ 3 ॥
न तमग्ने अरातयो मर्तं युवन्त रायः	यं त्रायसे दाश्वांसम्	॥ 4 ॥
यं त्वं विप्र मेधसातावग्रे हिनोषि धनाय	स तवोती गोषु गन्ता	॥ 5 ॥
त्वं रयिं पुरुवीरमग्रे दाशुषे मर्ताय	प्र णो नय वस्यो अच्छ	॥ 6 ॥
उरूष्या णो मा परा दा अघायते जातवेदः	दुराध्येर् मर्ताय	॥ 7 ॥
अग्ने माकिष्टे देवस्य रातिमदेवो युयोत	त्वमीशिषे वसूनाम्	॥ 8 ॥
स नो वस्व उप मास्यूजो नपान्माहिनस्य	सखे वसो जरितृभ्यः	॥ 9 ॥
अच्छा नः शीरशोचिषं गिरो यन्तु दर्शतम्		
अच्छा यज्ञासो नमसा पुरुवसुं पुरुप्रशस्तमूतये		॥ 10 ॥
अग्निं सूनुं सहसो जातवेदसं दानाय वार्याणाम्		
द्विता यो भूदमृतो मर्त्येष्व होता मन्द्रतमो विशि		॥ 11 ॥
अग्निं वो देवयज्ययाग्निं प्रयत्यध्वरे		
अग्निं धीषु प्रथममग्निमर्वत्यग्निं क्षेत्राय साधसे		॥ 12 ॥
अग्निरिषां सख्ये ददातु न ईशे यो वार्याणाम्		
अग्निं तोके तनये शश्वदीमहे वसुं सन्तं तनूपाम्		॥ 13 ॥
अग्निमीळिष्वावसे गाथाभिः शीरशोचिषम्		
अग्निं राये पुरुमीळह श्रुतं नरोऽग्निं सुदीतये छदिः		॥ 14 ॥
अग्निं द्वेषो योत्वै नो गृणीमस्यग्निं शं योश्च दातवे		
विश्वासु विक्ष्ववितेव हव्यो भुवद्वस्तुर्ऋषूणाम्		॥ 15 ॥

ऋषिः हर्यतः प्रागाथः

छन्दः गायत्री

देवता अग्निः हवीषि वा

हविष्कृणुध्वमा गमदध्वर्युर्वनते पुनः	विद्वाँ अस्य प्रशासनम्	॥ 1 ॥
नि तिग्ममभ्यंशुं सीदद्धोता मनावधि	जुषाणो अस्य सख्यम्	॥ 2 ॥
अन्तरिच्छन्ति तं जनें रुद्रं पुरो मनीषया	गृभ्णन्ति जिह्वया ससम्	॥ 3 ॥
जाम्यतीतपे धनुर्वयोधा अरुहद्वनम्	दृषदं जिह्वयावधीत्	॥ 4 ॥
चरन्वत्सो रुशन्निह निदातारं न विन्दते	वेति स्तोतव अम्ब्यम्	॥ 5 ॥
उतो न्वस्य यन्महदश्वावद्योजनं बृहत्	दामा रथस्य ददृशे	॥ 6 ॥
दुहन्ति सप्तैकामुप द्वा पञ्च सृजतः	तीर्थे सिन्धोरधि स्वरे	॥ 7 ॥

आ दशभिर्विवस्वत् इन्द्रः कोशमचुच्यवीत्	खेदया त्रिवृता दिवः	॥ 8 ॥
परि त्रिधातुरध्वरं जूर्णिरिति नवीयसी	मध्वा होतारो अञ्जते	॥ 9 ॥
सिञ्चन्ति नमसावतमुञ्चाचक्रं परिज्मानम्	नीचीनबारमक्षितम्	॥ 10 ॥
अभ्यारमिदद्रयो निषिक्तं पुष्करे मधु	अवृतस्य विसर्जने	॥ 11 ॥
गाव उपावतावतं मही यज्ञस्य रप्सुदा	उभा कर्णा हिरण्यया	॥ 12 ॥
आ सुते सिञ्चत् श्रियं रोदस्योरभिश्चियम्	रसा दधीत वृषभम्	॥ 13 ॥
ते जानत् स्वमोक्थं सं वत्सासो न मातृभिः	मिथो नसन्त जामिभिः	॥ 14 ॥
उप स्रक्षेषु बप्सतः कृण्वते धरुणं दिवि	इन्द्रं अग्रा नमः स्वः	॥ 15 ॥
अधुक्षत्पिप्युषीमिषमूर्जं सप्तपदीमरिः	सूर्यस्य सप्त रश्मिभिः	॥ 16 ॥
सोमस्य मित्रावरुणोदिता सूर आ ददे	तदातुरस्य भेषजम्	॥ 17 ॥
उतो न्वस्य यत्पदं हर्यतस्य निधान्यम्	परि द्यां जिह्वयातनत्	॥ 18 ॥

(18)

73

(म.8, अनु.8)

ऋषिः गोपवनः आत्रेयः, सप्तवध्निः वा	छन्दः गायत्री	देवता अश्विनौ
उदीराथामृतायते युञ्जाथामश्विना रथम्	अन्ति षड्भूतु वामवः	॥ 1 ॥
निमिषश्चिञ्जवीयसा रथेना यातमश्विना	अन्ति षड्भूतु वामवः	॥ 2 ॥
उप स्तृणीतमत्रये हिमेन घर्ममश्विना	अन्ति षड्भूतु वामवः	॥ 3 ॥
कुहः स्थः कुहः जग्मथुः कुहं श्येनेव पेतथुः	अन्ति षड्भूतु वामवः	॥ 4 ॥
यदुद्य कर्हि कर्हि चिच्छुश्रूयातमिमं हवम्	अन्ति षड्भूतु वामवः	॥ 5 ॥
अश्विना यामहूतमा नेदिष्ठं याम्याप्यम्	अन्ति षड्भूतु वामवः	॥ 6 ॥
अवन्तमत्रये गृहं कृणुतं युवमश्विना	अन्ति षड्भूतु वामवः	॥ 7 ॥
वरथे अग्निमातपो वदते वल्वत्रये	अन्ति षड्भूतु वामवः	॥ 8 ॥
प्र सप्तवधिराशसा धारामग्रेरशायत	अन्ति षड्भूतु वामवः	॥ 9 ॥
इहा गतं वृषण्वसू शृणुतं म इमं हवम्	अन्ति षड्भूतु वामवः	॥ 10 ॥
किमिदं वां पुराणवज्जरंतोरिव शस्यते	अन्ति षड्भूतु वामवः	॥ 11 ॥
समानं वां सजात्यं समानो बन्धुरश्विना	अन्ति षड्भूतु वामवः	॥ 12 ॥
यो वां रजांस्यश्विना रथो वियाति रोदसी	अन्ति षड्भूतु वामवः	॥ 13 ॥
आ नो गव्येभिरश्व्यैः सहस्रैरुप गच्छतम्	अन्ति षड्भूतु वामवः	॥ 14 ॥
मा नो गव्येभिरश्व्यैः सहस्रैभिरति ख्यतम्	अन्ति षड्भूतु वामवः	॥ 15 ॥
अरुणप्सुरुषा अभूदकज्योतिर्ऋतावरी	अन्ति षड्भूतु वामवः	॥ 16 ॥
अश्विना सु विचाकशदृक्षं परशुमाँडव	अन्ति षड्भूतु वामवः	॥ 17 ॥
पुरं न धृष्णवा रुज कृष्णया बाधितो विशा	अन्ति षड्भूतु वामवः	॥ 18 ॥

ऋषिः गोपवनः आत्रेयः

छन्दः अनुष्टुप् 1,4,7,10,13-15,

गायत्री 2-3,5-6,8-9,11-12

देवता अग्निः 1-12, आर्क्षः श्रुतर्वा 13-15

विशोविशो वो अतिथिं वाज्यन्तः पुरुप्रियम्। अग्निं वो दुर्यं वचः स्तुषे शूषस्य मन्मभिः ॥ 1 ॥	
यं जनासो हविष्मन्तो मित्रं न सर्पिरासुतिम्। प्रशंसन्ति प्रशस्तिभिः ॥ 2 ॥	
पन्यांसं जातवेदसं यो देवतात्युद्यता	हव्यान्यैरयद्विवि ॥ 3 ॥
आगन्म वृत्रहन्तमं ज्येष्ठमग्निमानवम्	यस्य श्रुतर्वा बृहन्नाक्षो अनीक एधते ॥ 4 ॥
अमृतं जातवेदसं तिरस्तमांसि दर्शतम्	घृताहवनमीड्यम् ॥ 5 ॥
सुबाधो यं जना इमेऽग्निं हव्येभिरीळते	जुह्वानासो यतस्सुचः ॥ 6 ॥
इयं ते नव्यसी मतिरग्रे अधाय्यस्मदा	मन्द्र सुजात सुक्रतोऽमूर दस्मातिथे ॥ 7 ॥
सा ते अग्रे शंतमा चनिष्ठा भवतु प्रिया	तया वर्धस्व सुष्टुतः ॥ 8 ॥
सा द्युमैद्युमिनी बृहदुपोप् श्रवसि श्रवः	दधीत वृत्रतूर्ये ॥ 7 ॥
अश्वमिद्रां रथप्रां त्वेषमिन्द्रं न सत्पतिम्	यस्य श्रवांसि तूर्वथ पन्यंपन्यं च कृष्टयः ॥ 10 ॥
यं त्वा गोपवनो गिरा चनिष्ठदग्रे अङ्गिरः	स पावक श्रुधी हवम् ॥ 11 ॥
यं त्वा जनासु ईळते सुबाधो वाजसातये	स बोधि वृत्रतूर्ये ॥ 12 ॥
अहं हुवान आर्क्षे श्रुतर्वाणि मदच्युति	शर्धासीव स्तुकाविनां मृक्षा शीर्षा चतुर्णाम् ॥ 13 ॥
मां चत्वारं आशवः शविष्ठस्य द्रवित्रवः	सुरथासो अभि प्रयो वक्षन्वयो न तुग्र्यम् ॥ 14 ॥
सत्यमित्त्वा महेनदि परुष्यव देदिशम्	नेमापो अश्वदातरः शविष्ठादस्ति मर्त्यः ॥ 15 ॥

ऋषिः विरूपः आङ्गिरसः

छन्दः गायत्री

देवता अग्निः

युक्ष्वा हि देवहूतमां अश्वान् अग्रे रथीरिव	नि होता पूर्यः संदः ॥ 1 ॥
उत नो देव देवां अच्छा वोचो विदुष्टरः	श्रद्धिश्वा वार्या कृधि ॥ 2 ॥
त्वं ह यद्यविष्ठ्य सहसः सूनवाहुत	ऋतावा यज्ञियो भुवः ॥ 3 ॥
अयमग्निः सहस्रिणो वाजस्य शतिनस्पतिः	मूर्धा कवी रयीणाम् ॥ 4 ॥
तं नेमिमृभवो यथा नमस्व सहतिभिः	नेदीयो यज्ञमङ्गिरः ॥ 5 ॥
तस्मै नूनमभिद्यवे वाचा विरूप नित्यया	वृष्णे चोदस्व सुष्टुतिम् ॥ 6 ॥
कमु ष्विदस्य सेनयाग्रेरपाकचक्षसः	पुंणिं गोषु स्तरामहे ॥ 7 ॥
मा नो देवानां विशः प्रस्त्रातीरिवोसाः	कृशं न हासुरध्याः ॥ 8 ॥
मा नः समस्य दूढ्यशः परिद्वेषसो अंहतिः	ऊर्मिर्न नावमा वधीत् ॥ 9 ॥
नमस्ते अग्र ओजसे गृणन्ति देव कृष्टयः	अमैरमित्रमर्दय ॥ 10 ॥
कुवित्सु नो गविष्ठयेऽग्रै संवेषिषो रयिम्	उरुकृदुरु णस्कृधि ॥ 11 ॥
मा नो अस्मिन्महाधने परा वर्भारभृद्यथा	संवर्गं सं रयिं जय ॥ 12 ॥
अन्यमस्मद्भिया इयमग्रे सिषक्तु दुच्छुना	वर्धा नो अमवच्छवः ॥ 13 ॥

यस्याजुषन्नमस्विनुः शमीमदुर्मखस्य वा	तं घेदग्निर्वृधावति	॥ 14 ॥
परस्या अधि संवतोऽवराँ अभ्या तर	यत्राहमस्मि ताँ अंव	॥ 15 ॥
विद्वा हि तेँ पुरा व्यमग्रैँ पितुर्यथावसः	अधाँ ते सुममीमहे	॥ 16 ॥

(12)

76

(म.8, अनु.8)

ऋषिः कुरुसुतिः काण्वः	छन्दः गायत्री	देवता इन्द्रः
इमं नु मायिनँ हुव् इन्द्रमीशान्मोजसा	मरुत्वन्तं न वृञ्जसेँ	॥ 1 ॥
अयमिन्द्रोँ मरुत्सखा वि वृत्रस्याभिनच्छिरः	वज्रैण शतपर्वणा	॥ 2 ॥
वावृधानो मरुत्सखेन्द्रो वि वृत्रमैरयत्	सृजन्त्समुद्रियाँ अपः	॥ 3 ॥
अयं ह येन वा इदं स्वर्मरुत्वता जितम्	इन्द्रैणुँ सोमपीतये	॥ 4 ॥
मरुत्वन्तमृजीषिण्मोजस्वन्तं विरप्शिनम्	इन्द्रं गीर्भिहँवामहे	॥ 5 ॥
इन्द्रं प्रत्नेन मन्मना मरुत्वन्तं हवामहे	अस्य सोमस्य पीतयेँ	॥ 6 ॥
मरुत्वाँ इन्द्र मीढुः पिबाँ सोमं शतक्रतो	अस्मिन्यज्ञे पुरुष्टुत	॥ 7 ॥
तुभ्येदिन्द्र मरुत्वते सुताः सोमाँसो अद्रिवः	हृदा हूयन्त उक्थिनः	॥ 8 ॥
पिबेदिन्द्र मरुत्सखा सुतं सोमं दिविष्टिषु	वज्रं शिशान् ओजसा	॥ 9 ॥
उत्तिष्ठत्रोजसा सह पीत्वी शिप्रैँ अवेपयः	सोममिन्द्र चमू सुतम्	॥ 10 ॥
अनु त्वा रोदसी उभे क्रक्षमाणमकृपेताम्	इन्द्र यदस्युहाभवः	॥ 11 ॥
वाचमृष्टापदीमहं नवसक्तिमृतस्पृशम्	इन्द्रात्परिँ तन्वँ ममे	॥ 12 ॥

(11)

77

(म.8, अनु.8)

ऋषिः कुरुसुतिः काण्वः	छन्दः गायत्री 1-9, बृहती 10, सतोबृहती 11	देवता इन्द्रः
जज्ञानो नु शतक्रतुर्वि पृच्छदिति मातरम्	क उग्राः के हँ शृण्विरे	॥ 1 ॥
आदीँ शवस्यब्रवीदौर्णवाभमहीशुर्वम्	ते पुत्र सन्तु निष्टुरः	॥ 2 ॥
समित्तान्वृत्रहाखिदुत्खे अराँइव खेदया	प्रवृद्धो दस्युहाभवत्	॥ 3 ॥
एकया प्रतिधापिबत्साकं सराँसि त्रिंशतम्	इन्द्रः सोमस्य काणुका	॥ 4 ॥
अभि गन्धर्वमत्तणदबुधेषु रजःस्वा	इन्द्रोँ ब्रह्मभ्यु इदुधे	॥ 5 ॥
निराविध्यद्विरिभ्यु आ धारयत्पक्रमोँदुनम्	इन्द्रोँ बुन्दं स्वाततम्	॥ 6 ॥
शतब्रध्न इषुस्तव सहस्रपर्ण एक इत्	यमिन्द्र चकृषे युजम्	॥ 7 ॥
तेन स्तोतृभ्यु आ भरु नृभ्यो नारिँभ्यो अत्तवे	सृद्यो जात ऋभुष्ठिर	॥ 8 ॥
एता च्यौत्नानि ते कृता वर्षिष्ठानि परीणसा	हृदा वीडुधारयः	॥ 9 ॥
विश्वेत्ता विष्णुराभरदुरुक्रमस्त्वेषितः शतं महिषानक्षीरपाकमोँदुनं वराहमिन्द्र एमुषम्		॥ 10 ॥
तुविक्षं ते सुकृतं सूमयं धनुः साधुर्बुन्दो हिरण्ययः		
उभा तेँ बाहू रण्या सुसंस्कृत ऋदूपे चिददुवृधा		॥ 11 ॥

(10)

78

(म.8, अनु.8)

ऋषिः कुरुसुतिः काण्वः

छन्दः गायत्री 1-9, बृहती 10

देवता इन्द्रः

पुरोळाशं नो अन्धसु इन्द्रं सहस्रमा भर	शता च शूर गोनाम्	॥ 1 ॥
आ नो भर व्यञ्जनं गामश्वमभ्यञ्जनम्	सर्वा मना हिरण्यया	॥ 2 ॥
उत नः कर्णशोभना पुरूणि धृष्णवा भर	त्वं हि शृण्विषे वसो	॥ 3 ॥
नकीं वृधीक इन्द्र ते न सुषा न सुदा उत	नान्यस्त्वच्छूर वाघतः	॥ 4 ॥
नकीमिन्द्रो निकर्तवे न शक्रः परिशक्तवे	विश्वं शृणोति पश्यति	॥ 5 ॥
स मन्युं मर्त्यानामदब्धो नि चिकीषते	पुरा निदश्चिकीषते	॥ 6 ॥
क्रत्व इत्पूर्णमुदरं तुरस्यास्ति विधतः	वृत्रघ्नः सोमपात्रः	॥ 7 ॥
त्वे वसूनि संगता विश्वा च सोम सौभगा	सुदात्वपरिहृता	॥ 8 ॥
त्वामिद्यव्युर्मम कामो ग्व्युर्हिरण्ययुः	त्वामश्वयुरेषते	॥ 9 ॥
तवेदिन्द्राहमाशसा हस्ते दात्रं चना ददे		
दिनस्य वा मघवन्त्संभृतस्य वा पूर्धि यवस्य काशिना		॥ 10 ॥

(9)

79

(म.8, अनु.8)

ऋषिः कृलुः भार्गवः

छन्दः गायत्री 1-8, अनुष्टुप् 9

देवता सोमः

अयं कृलुरगृभीतो विश्वजिदुद्धित्सोमः	ऋषिर्विप्रः काव्येन	॥ 1 ॥
अभ्यूर्णोति यन्नग्रं भिषक्ति विश्वं यत्तुरम्	प्रेमन्धः ख्यन्निः श्रोणो भूत्	॥ 2 ॥
त्वं सोम तनूकृद्भ्यो द्वेषोभ्योऽन्यकृतेभ्यः	उरु यन्तासि वरूथम्	॥ 3 ॥
त्वं चित्ती तव दक्षैर्दिव आ पृथिव्या ऋजीषिन्	यावीरघस्य चिद्वेषः	॥ 4 ॥
अर्थिनो यन्ति चेदर्थं गच्छानिद्वदुषो रातिम्	वृज्युस्तृष्यतः कामम्	॥ 5 ॥
विदद्यत्पूर्व्यं नष्टमुदीमृतायुमीरयत्	प्रेमायुस्तारीदतीर्णम्	॥ 6 ॥
सुशेवो नो मृळयाकुरदृप्तक्रतुरवातः	भवा नः सोम शं हृदे	॥ 7 ॥
मा नः सोम सं वीविजो मा वि बीभिषथा राजन्	मा नो हार्दिं त्विषा वधीः	॥ 8 ॥
अव यत्स्वे सुधस्थे देवानां दुर्मतीरीक्षे	राजन्नप द्विषः सेधु मीद्वो अप स्त्रिधः सेध	॥ 9 ॥

(10)

80

(म.8, अनु.8)

ऋषिः एकद्युः नौधसः

छन्दः गायत्री 1-9, त्रिष्टुप् 10

देवता इन्द्रः 1-9, देवाः 10

नह्यं न्यं बळाकरं मडितारं शतक्रतो	त्वं न इन्द्र मृळय	॥ 1 ॥
यो नः शश्वत्पुराविथामृधो वाजसातये	स त्वं न इन्द्र मृळय	॥ 2 ॥
किमुङ्ग रंध्रचोदनः सुन्वानस्यावितेदसि	कुवित्स्विन्द्र णः शकः	॥ 3 ॥
इन्द्र प्र णो रथमव पश्चाच्चित्सन्तमद्रिवः	पुरस्तादेनं मे कृधि	॥ 4 ॥
हन्तो नु किमाससे प्रथमं नो रथं कृधि	उपमं वाज्यु श्रवः	॥ 5 ॥
अवा नो वाज्युं रथं सुकरं ते किमित्परि	अस्मान्तसु जिग्युषस्कृधि	॥ 6 ॥

इन्द्र दृह्यस्व पूरसि भद्रा तं एति निष्कृतम्	इयं धीर्ऋत्विद्यावती	॥ 7 ॥
मा सीमवृद्य आ भागुर्वी काष्ठा हितं धनम्	अपावृक्ता अरुणयः	॥ 8 ॥
तुरीयं नाम यज्ञियं यदा करस्तदुश्मसि	आदित्पतिर्न ओहसे	॥ 9 ॥
अवीवृधद्वो अमृता अमन्दीदेकृद्युदेवा उत याश्च देवीः		
तस्मा उ राधः कृणुत प्रशस्तं प्रातर्मक्षू धियावसुर्जगम्यात्		॥ 10 ॥

(9)

81

(म.8, अनु.9)

ऋषिः कुसीदी काण्वः	छन्दः गायत्री	देवता इन्द्रः
--------------------	---------------	---------------

आ तू न इन्द्र क्षुमन्तं चित्रं ग्राभं सं गृभाय	महाहस्ती दक्षिणेन	॥ 1 ॥
विद्वा हि त्वा तुविकूर्मिं तुविदेष्णं तुवीमघम्	तुविमात्रमवोभिः	॥ 2 ॥
नहि त्वा शूर देवा न मर्तासो दित्सन्तम्	भीमं न गां वारयन्ते	॥ 3 ॥
एतो न्विन्द्रं स्तवामेशानं वस्वः स्वरार्जम्	न राधसा मर्धिषन्नः	॥ 4 ॥
प्र स्तोषुदुषं गासिषुच्छ्रवत्सामं गीयमानम्	अभि राधसा जुगुरत्	॥ 5 ॥
आ नो भर दक्षिणेनाभि सव्येन प्र मृश	इन्द्र मा नो वसोर्निर्भाक्	॥ 6 ॥
उषं क्रमस्वा भर धृषता धृष्णो जनानाम्	अदाशूष्टरस्य वेदः	॥ 7 ॥
इन्द्र य उ नु ते अस्ति वाजो विप्रैभिः सनित्वः	अस्माभिः सु तं संनुहि	॥ 8 ॥
सद्योजुर्वस्ते वाजा अस्मभ्यं विश्वश्चन्द्राः	वशैश्च मक्षू जरन्ते	॥ 9 ॥

इति षष्ठाष्टके पञ्चमोऽध्यायः समाप्तः ।